



**Quæstionum Canonicarum, In Quinque Libros
Decretalium, Tomus ...**

In Librum IV. Decretalium, per viginti, & unum Titulos distributum, De Sponsalibus, Et Matrimoniis, eorumque impedimentis, ac dispensationibus,

...

Schlüter, Georg

Augustæ Vindelicorum, 1702

§. 6. Quid in desponsationibus operetur conditio contraria substantia actûs, cui adjicitur.

[urn:nbn:de:hbz:466:1-73058](#)

dispositionem, vel contractum, etiam conjugalem, non reddi conditionatum. Nam earum natura talis est, ut ipsis sufficientibus subsistat dispositio, vel contractus; & deficit ipsis deficientibus. Quare, cum desponsationibus semper insit hæc tacita conditio, si es habilis, nullæ erunt, ubi deficit habilitas; pura autem, ac validæ, si secundus. Similiter, cum collationi beneficiorum semper insit hæc tacita conditio: si es idoneus, subsistente conditione, collatio pura erit; nulla, deficiente. Ceterum si talis conditio tacita exprimatur alio modo, quam insit: v. g. consero tibi beneficium, si idoneus inveniaris; desponso te, si Ecclesia approbaverit; & collatio, & desponsatio conditionata erit; quia tunc conditio aliter expressa, quam insit, evadit suspensiva juxta num. 772.

776. Si dicas: hæc conditio (*si non ad sit impedimentum dirimens*) non suspendit desponsationem; ergo nec ista: *si Ecclesia approbaverit*; patet Conseq. quia dicere: *si Ecclesia approbaverit* perinde est, ac, *si non ad sit impedimentum*. Resp. dato ant. N. conseq. ad prob. Resp. eas duas conditions non esse omnino idem; nam secunda potest habere hunc sensum: *si sacerdoti inquisitione premisa repertum fuerit*, hanc desponsationem ab Ecclesia probari, & sic clarum est, non esse eundem hujus, ac illius sensum; ceterum, si constaret, quod apponens eam conditionem non intendere it alium sensum, quam hunc: *si non sit lex Ecclesiastica probibens*, vel annulans; concedi potest, quod non suspendat: at hoc non præsumitur, sed probandum est; quia prior illorum verborum sensus est magis usualis. Deinde licet forent identicæ, si tamen aliter, quam insit, exprimantur, jam non erit idem effectus juris taciti, & expressi, ut constat ex n. 772. nam quando naturâ, vel lege ineſt, spe-
catur *veritas*; quando voluntate apponens, *intentio*. Illud hic etiam notandum, quod excommunicatione in Clem. Unic. de Consang. lata in scientia contrahentes matrimonium cum consanguinea, non tangat eum, qui scienter contrahit cum consanguinea sub hac conditione: *si non es consanguinea*. Cum enim ea constitutio non puniat nisi *affectum* (*effectum* enim punire non potest, cum in tali matrimonio,

ut pote jure invalido, nullus sit) quem ostendunt taliter contrahentes pürè; in praesenti casu locum habere non potest; quia hoc ipso, quod sub ea conditione contrahant, talem affectum non ostendunt.

§. 6.

Quid in desponsationibus operetur conditio contraria substantiae actus, cui adjicitur.

Responsio est, vitiare talem actum, 777, per ejusmodi conditionem. Prob. 1. ex c. fin. b. t. ibi: *si conditiones contra substantiam conjugii inserviantur*, matrimonialis contractus, quantumcumque sit favorabilis, caret effectu. 2. ex c. foli. 32. q. 2. ubi ad questionem: *an Conjuges sint, qui causa foliis incontinentia subimet invicem copulantur?* respondetur affirmativè, si habeant sequentes conditions: 1. si usque ad mortem alterius eorum id inter eos placuerit; 2. modò prolis generationem non vitaverint, vel nolendo sibi nasci filios, vel etiam opere, alioquin malo impediendo, ubiadur: *si vel utrumq[ue], vel unum eorum, defit, non inveniri, quomodo nuptiæ (nimirum validæ) appellari possint*. Et ratio est, quia ubi deficit aliquid, quod pertinet ad substantiam actus, nihil fit; ubi autem actus apponitur conditio, contraria substantiae actus, deficit aliquid, quod pertinet ad substantiam actus. Nam conditio, contraria substantiae actus, est, quæ repugnat vel alicui constitutivo actus, vel termino connexionis necessariæ, quam cum illa habet actus. V. hujus confirmationem infra n. 887.

Notandum autem responsionem pro- 778 cedere de qualibet conditione contraria substantiae actus, cui adjicitur. Nam oratio indefinita canonis, vel legis regulam tridentis, equipollent universali, ut tradit gloss. c. Ut circa, de Elect. in 6. & specialiter Co-varruias lib. 1. Variarum c. 13. num. 8. cuius ratio est, quia cum lex in omnes dirigatur, ejus virtus in omnes derivatur non tantum ratione materiæ, sed etiam ratione mentis legislatoris, qui omnibus legem dare intendit: sed oratio, seu constitutio, quæ dicit, quod conditio contraria substantiae actus, eum vitiet, est indefinita; ergo; nec obstat, quod aliquando à lege universali rece-

recedendum sit. Nam hoc contingit vel ratione legis cessantis, vel ratione materie subjecte, vel propriâ orationis significazione, aut ex alterius constitutionis interpretatione, ut recte notat Covarr. cit. edem. num. 8. at nihil horum est in praesenti; ergo. Difficultas solûm est, an ly conditio in dictâ constitutione, seu canone finali, sumi debeat pro conditione non tantum de futuro, sed etiam de præsenti, aut præterito, tam possibili, quam impossibili, honestaque, ac turpi? mihi viderunt affirmandum de qualibet conditione ex modò nominatis, quæ consistere non potest cum consensu contrahentium, prout necessario ad contractum conjugalem, cùm enim conditio contraria substantiæ actus, quæ vel immediatè repugnat substantiæ actus; implicat stare hujus substantialiam, dum ad eum aliud ei, vel ejus substantiali constitutivo, repugnans.

778. Dices tamen I. à matrimonio spirituali ad carnale valet argumentum. c. inter corporalia, de Translatione Episc. sed illud non vitiatur adjectâ conditione, illius substantiæ contrariâ. Nam de natura Sacramenti ordinis est, ut gradum sacram, recipiens emitat votum castitatis. c. meminimus. c. Rursus, Qui Clerici, vel voluntates, & tamen, ut sibi possea matrimonium contrahere liceat, admittitur conditio Diaconi, diff. 28. sed Resp. 1. argumentum à matrimonio spirituali ad carnale valere solûm, quando convenienter ex ratione necessariâ in eo, de quo agitur; seu quando ratio decidendi aliquid pro illo, etiam necessaria est respectu alterius, qualiter recte concluditur, Petrum sentire posse, quia id potest equus ex hoc, quod sit animal; alias enim argumentum ab uno ad alterum, est potius à disparato ad disparatum, quo casu potest utraque propositione vera esse, & illatio falsa; ut si dicas: Petrus dormit; ergo fornax est frigida.

779. Resp. 2. transeat major in præsenti casu; neg. min. dico: transeat. nam in cit. c. (ut notat Barbosa ibid. num. 5.) per illa verba (quod DEUS conjunxit &c. in sensu literali quem intendit Spiritus Sanct. matrimonium carnale lege divinâ fuit referatum ipsi Christo; secus autem spirituale. Et ideo subjungit: mirum non esse, si istud (mirum spirituale) Pontifex facilè dissolvat. Unde in num 6. habet,

Tom. IV.

Cc

luntas

quando matrimonium spirituale dicitur, non esse solubile, nisi potestate divinâ, aliud non significari, quam, non esse solubile, nisi auctoritate divinitus datâ à Christo, Vicario suo; consequenter, textum in hoc quidem velle, utrumque indissolubile esse, nimirum, ut in hoc carnale, ac spirituale matrimonium conveniat, quod, sicut illud Christo, sic istud soli Vicario Christi, quâ tali, divinâ lege sit reservatum, proportione quadam sensus literalis ad moralem, quâ, ut ait Barbosa cit. num. 5. ex D. Thom. t. p. q. 1. a. 10. uti solent summi Pontifices ad propria decreta confirmanda, ut pluribus exemplis ibidem confirmatur.

780. Ad prob. nego votum, aut promis-

sionem servandæ continentiae, etiam tacitam, esse de substantia sacri ordinis suscipiendi, ut diximus lib. 3. tit. 3. de Cleric. Conjugat. & iterum dicemus hic inferius.

Nam esto, & Regulares professi, & Clerici in sacris, sint incapaces matrimonii contrahendi, & hoc ex voto, vel expresso, vel tacito; illi tamen tales sunt ex voto, quod est de substantia illius status; non isti, ut constabat ex sequent. Neque subsistit, in c. meminimus, dici, aut inde colligi, votum continentiae esse de natura, seu substantia Sacramenti ordinis, cùm expressè solûm agat de eo, qui se ad Religionem coram Episcopo devovit, & habitum Religionis suscepit; & in c. Rursus, nec verbum sit de hoc casu, sed solûm illi, qui post votum simplex juravit se uxorem daturum, Cœlestinus III. responderit, jumentum temerè factum, & votum servandum esse. Quare si quis religionem profitendo, sive expressè, sive tacite, apponaret conditionem, si possea possit facto, non jure, matrimonium contrahere, conditio quidem foret turpis, sed non contra substantiam professionis; secus, si profiteretur solenniter sub conditione matrimonii possea jure contrahendi. Nam in hoc casu vitiaretrum professio, si voluntas conditionis hujus adjectiva foret efficax, cuius ratio est ex num. 778. nam voluntas profitendi solenniter, includit essentialiter voluntatem emitti solenne votum castitatis, cum quo non stat voluntas exclusiva illius solennitatis, qualis tamen est efficax voluntas se non reddendi incapacem matrimonii jure contrahendi. Vo-

Iudeas porrò validè suscipiendo sacram ordinem non includit essentialiter, & natura sua voluntatem emitendi solenne votum castitatis. Ad id, quod adducitur ex c. Diaconi dist. 28. Resp. voluntatem suscipiendo sacram ordinem sub conditione, quod postea possit jure contrahere matrimonium, est quidem nunc conditionem turpem, non tamen substantialiter contraria intentioni sacram ordinem suscipiendo, quia non includitur essentialiter in ea intentione. Nam (ut notat glossa ibid. V. Diaconi) olim in orientali Ecclesia ordinabantur Diaconi, & in altaris ministerio permiscebantur, licet postea ad nuptias venerint, si prius, cum ordinabantur, in ipsa ordinatione professi sint, velle se habere uxores, nec posse continere, & hoc propterea, quod ipsis Episcopus licentiam dederit, ut habet textus; hoc autem non staret, si voluntas emitendi solenne votum castitatis includeretur essentialiter in intentione validè suscipiendo sacram ordinem.

782. Dices 2. licet abdicatio bonorum adeo sit status monastici propria, ut nec Pontifex in ea dispensare possit; tamen adjecta conditio, ut profidenti liceat in domo propria suum patrimonium retinere, non irritat professionem; ergo non omnis conditio substantiae actus contraria, irritat contractum etiam matrimonii. Prima pars anteced. est ex c. Cum ad monasterium 6. de statu Monachorum, in fine, ibi: abdicatio proprietatis, sicut & custodia castitatis adeo est annexa regule Monachali, ut contra eam nec summus Pontifex possit licentiam indulgere: altera vero pars anteced. est ex c. Insinuante 7. Qui Clerici, vel voventes, ubi jubetur mulier redire ad Religionem, quam professa est assumpto habitu eo tempore, ut in domo propria cum omni substantia sua remaneret. Ex quo constat votum illud paupertatis religiosæ etiam cum conditione retinendi proprium, nihilominus valuisse.

783. Ante respon. nota 1. casum in c. Insinuante, hunc esse: quidam Curiales Regis Legionensis huic supplicarunt, pro copula, seu matrimonio mulieris cuiusdam nobilis; quo intellecto consanguinei dictæ mulieri sub obstinatione regia, ut maritum accipiat, suggesserunt; cum autem ipsa tunc nollet, consilium ab eis accepit, emit-

tendi votum castitatis. Mulier consilium sequuta, in manibus cujusdam è Fratribus S. Augustini votum illud emisit eo tenore, ut in domo propria cum omni substantia suam maneret, & in ejusdem ordinis habitu bennio permaneret, licet postea dixerit, se invitam fuisse, tam metu Regio, quam parentum. Cùm ergo tale votum irritum censeret, dimisso habitu, de parentum consilio, cum quodam Michæle matrimonium publicè celebravit, & tempore procedente quatuor filios suscepit. Casus tandem delatus est ad Innocentium III. per Libonen. & Colimbriens. Episcop. ad quem sic rescripsit Pontifex.

Nos attendentes, quod in emissione 784 voti, quod præcessit nulla, vel modica coactio adfuerit, quam patientia & perseverantia sequentis temporis penitus profugavit, & quod sequens conjunctio potius iniqua fuit, & violenter extorta: mandamus, quatenus si præmissis veritas suffragatur, prefatam mulierem ad male dimissum religionis habitum reassumendum, & servandum quod vorvit, monere, & inducere procuretis, & (si opus fuerit) per censuram Ecclesiasticam coercere. Ex hoc textu, quo clare jubetur dicta Mulier, Religionis habitum reassumere, tanquam male dimissum, sequitur 1. Pontificem censuisse, mulierem illam per votum castitatis in manibus illius Fratris ex ordine S. Augustini emissum, & deportatum ejusdem. Religionis habitum, eam esse tacite professam, consequenter invalidè contraxisse matrimonium, & ad dimissam male Religionis compellendam.

Nota 2. proprietatem, quam excludit votum paupertatis Religiose, prout pertinet ad substantiam statu, quo quis constituitur, verè ac propriè Religiosus, non excludere dominium rerum temporalium à tota Communitate (hoc enim habent plures Religiones, etiam Monasticæ) nec etiam in persona particulati; cum hoc detur in his, qui in Societate nostra post biennium probationis emiserunt sola tria vota simplicia castitatis, paupertatis, & obedientiæ, qui tamen sunt verè, ac propriè religiosi, ut ex definitio ne sedis Apostolicæ certum est; undescquitur proprietatem rerum temporalium, aliam confundere in jure, ac retentione dominii talium; aliam, in solo usu dominii;

ac pars, independente à consensu, & licen-
tia legimi superioris; & solum alteru-
ram esse de substantia status Religiosi,
ut sic.

¹⁷⁶ Nota 3. in omnibus defacto Religio-
nibus, ex Ecclesiæ constitutione per pau-
pertatem solenniter professam excludi pro-
prium, non tantum usus independentis,
sed etiam dominii, in persona particulari;
non tamen in communii; cum, ut dictum
est, defacto plures dentur Religiones, quæ
terum temporalium dominium habent
conveniens omnibus non ut singuli sunt;
sed quo Communitatem constituant. his
præmissis:

Reſp. ad objectionem in n. 782. dist.
anteced. licer abdicatione bonorum adeo sit
status monastici propria, ut nec Ponti-
fex in ea dispensare possit, professio tamen
valet adjecta conditione, ut proficiunt li-
ceat in domo propria patrimonium suum
retinere, retentione non contraria substantia
abdicationis bonorum, quæ est de sub-
stantia talis professionis. C. contraria substantia
talis abdicationis, nego antecedens, & conseq. Quæſtio igitur solùm
est, an illa conditio professioni adjecta
(ut in domo propria cum omni substantia
sua remaneret) sit contraria substantia
voti, quod in manibus cuiusdam è Fra-
tribus S. Augustini emiserat dicta mulier?
variae sunt in hac re Doctorum opiniones.
Primò enim dici posset, quod in textu solùm
fiat mentio de voto castitatis, non autem
Religiose paupertatis; at cum voto
castitatis stat, quod vovens in domo pro-
pria cum omni substantia sua remaneat;
Ergo.

⁷⁸³ Nec obstat, si dicas; esto ibi expli-
cè fiat duntaxat mentio de voto casti-
tatis; quia tamen ex decisione Pontificis
clarè colligitur, mulierem tacite profes-
sam esse Religionem (alias enim non cog-
reteret dimisso viro, cum quo matrimonium
contraxerat, & consummaverat redire ad
Religionem) non potest dici, emissum
ab ea solum votum castitatis, sed etiam
obedientie, & paupertatis Religiosa, sed
huius repugnat ea conditio, ergo. Hoc in-
quam non obstat. Nam ut observat Gon-
zalez in c. Inſinuante num. 6. hoc ipsum in-
telligentum est, juxta morem antiquum,
de quo idem in c. Consuluit 4. Qui Clerici
vel voventes, juxta quem olim plures Vir-

Tom. IV.

gines & Viduae profitabantur vitam Reli-
giosam in domo propria, tantum obedien-
tiam & castitatem promittentes; quin
propriis renuntiare, aut clausuram in-
trare profitentur; quia clausura, & ab-
dicatio bonorum non erant olim ita sub-
stantia status religiosi, ac vota obedien-
tiae, & castitatis; sic Gonzalez cit. n. 6. in
fine, & Pontius l. 7. de impedim. c. 13. qui
expresè docet, Religiosos voventes pauper-
tatem, primis seculis retinuisse suorum bo-
norum dominium.

Alii volunt, illum tenorem adjectum 789.
(ut in domo propria cum omni substantia
sua remaneret) non fuisse conditionem,
sed tantum modum, seu onus adjectum re-
ceptioni ad professionem: Verum etiam
modus contra substantiam actus, cui adjic-
tur, eum viciis juxta complures, ut dice-
mus infra: Quidam censem, textum illum
esse intelligentum de solo Simplici, non
solenni voto Religionis, sed non bene;
quia post ipsum votum statim secuta est
suscepit, & gestatio habitus per bién-
nium, ut constat ex textu; hæc enim de-
notant non votum simplex, sed professionem.
Alii opinantur in hoc casu condi-
tionem esse vitiatam, non professionem; ac
ideo legitimum ejus superiorem bona illa
potuisse occupare; hoc quidem ex natura
rei verum est, si voluntas profundi fuit
efficax, sed dispositione juris non conditio,
sed actus vitiatur, ut constat ex cit. c. fin.
& L. cùm precario 12. de precario, ibi: sed
nulla vis est hujus conventionis; & si con-
ditio fuisse virtuata, seu habita pro non
scripta, Pontifex eam, saltem ut turpem
improbasset, de quo tamen nulla mentio.

Mihi dicendum videtur, etiam dato, 790.
quod adactus ille tenor facerit conditio,
non tamen fuisse appositam de retinendo
dominio, sed tantum de usu dependente
à nutu Prelati, quæ conditio non est
contra substantiam professionis, ut dixi-
mus num. 785. & ita etiam tenet Sanchez.
lib. 5. hic D. 9. num. 14. Wagnereck in Exe-
gesi ad cit. c. Inſinuante. V. ut in domo pro-
pria. Barbo. ibidem num. 3. Versu: sed mi-
rum; alias enim ea conditio valere non
potuisset, id, quod est valde probabile;
id quod etiam tradit Gloss. in præsen-
ti, & in c. foli. 32. q. 2. Ex quo tandem
concluditur, dictam conditionem non
fuisse contrariam substantiæ illius profes-
sionis

Cc 2

tionis

sionis, consequenter intelligi solum de retentione non repugnante substantia professionis, etiam tacite emissa.

791. Dices 3. intentio, non servandi fidem Conjugalem, sumendi venena sterilitatis, aut vitandi prolem, est contra substantiam matrimonii, & tamen stat cum matrimonio; ergo conditio, & pactum contrarium substantiae matrimonii, non viat matrimonium. Confirm. 1. quia, si tales conditiones in principio apposita vitiarent essentiam matrimonii, deberent etiam vitiare illam, apposita post matrimonium, rite contractum (nam essentia indivisiibilis, & semper eadem est; hinc si aliqua circumstantia facit, ne ipsa stante sit, aut producatur homo, etiam facit, eum perire illa positâ) sed illa conditiones, apposita post contractum matrimonium, hoc non vitant, nec destruunt; ergo nec apposita in principio. 2. contra substantiam precarii est, non posse quandocunq; revocari. Cum precario aliquid 12. ff. de precari. & tamen stat, seu valet, adiecta tali conditione c. fin. de Precariis.

792. Pro resolutione suppon. 1. substantiam matrimonii consistere in consensu à contrahentibus legitimè praestito per verba de praesenti, vel alia signa sufficientia; ut constat ex c. sufficiat, 27. q. 2. quod retulimus supra c. Cum tecum. 14. b. t. ibi: matrimonium autem solo consensu contrahitur. c. Cum apud 14. eod. & c. Tue 25. eod. ibi: matrimonium in veritate contrahitur per legitimum Viri, & mulieris consensum, ut autem consensus iste, legitimus sit, talis esse debet, quo ambo, iure habiles, intendunt se obligare mutuo ad tria bona matrimonii, ut exponit Gonzalez in c. fin. b. t. n. 3. numirum, bonum prolis, bonum Sacramenti, bonum fidei conjugalis. Bonum prolis consistit in prolificazione inique non impedienda, ac educatione liberorum, ut habeatur in principio Instit. de jure naturali. Fides Conjugalis, in reciproca fidelitate, non solum obligationis debiti solvendi, verum & alteri se non commiscendi. Bonum Sacramenti autem in individua vita societate, quam matrimonium longè excellentiorem obtinuit, ex institutione Christi, per quam elevatum fuit ad rationem Sacramenti.

Supp. 2. ea tria bona matrimonii, quoad executionem, non esse de matrimonii

substantia, seu essentia; esse tamen de ejus substantia, & essentia consensum, in ea bona, consequenter obligationem. Nam de matrimonii essentia est, ut coniuges obligentur ad perpetuam vitæ Societatem, & fidem sibi servandam, reddendo debitum, negandoque corporalii, ac prolem non impediendam, sed educandam, si Deus eam dederit, ut fusè probat Sanchez. lib. 2. hic D. 29. à. n. 12.

Suppon. 3. Cùm dicimus, bonum prolis, fidei conjugalis, & Sacramenti quoad obligationem, non autem quoad executionem, esse de essentia matrimonii, seu legitimi consensus matrimonii, qui est de substantia matrimonii, nos aliud non velle, quā intentionem se obligandi ad illa tria matrimonii bona esse de substantia matrimonii, ut aperte sentit D. Thom. in 4. dist. 31. q. 1. 2. 3. in corp. Nam postquam dixit sine fide, & prole, secundū quod considerantur in suis principiis (nimis, ut pro prole accipiatur intentio prolis; & pro fide, debitum servandi fidem) matrimonium esse non posse, ait sic accipiendo fidem, & prolem, proles est essentialissimum in matrimonio, & secundū fidem: & tertius Sacramentum: ubi clare ponitur de substantia matrimonii intentio, quā profine habet illa bona, sed in suis principiis, nimis in obligatione, non autem in executione. Ex hoc sequitur intentionem contrarialem obligationi ad ea tria matrimonii bona, eo ipso esse contrarium substantia matrimonii (cum implicet, quod quis simul habeat voluntatem efficacem, quā velit & nolit se obligare ad idem) non autem contraria executioni; potest enim quis velle se obligare ad aliquid, sine animo exequendi; his positis:

Resp. ad object. in n. 791. nego ante 794 cedens; nam ea intentione solum est contraria voluntati exequendi obligationem; non autem intentioni, seu voluntatis se obligandi ad ea bona. Voluntas autem exequendi obligationem non est de substantia matrimonii, ut dictum estnum. 792. hinc nisi ex conditiones, si non servaveris fidem Conjugii, si sumperis sterilitatis venena, si vitaveris prolem, deducantur in pactum, hoc est, nisi obligatio ad ea pro conditione ponatur, ex hoc titulo, non viuant matrimonium; quia aliter non repugnant substantiae matrimonii.

Ad 1.

Ad 1. confirm. Resp. cum distinctione maioris; deberent etiam vitiare illam apposae post matrimonium ritè contractum, si apponenter eo modo, quo repugnant illius essentiae. C. majorem; si alio; nego majorem. Si autem apponantur post matrimonium ritè contractum, non apponuntur, nec apponi possunt *co modo*, quo repugnant eius essentiae. Nam obligatio ad eas conditiones bono matrimonii oppositas, solum repugnat essentiae matrimonii, in quantum contrariantur voluntati se obligandi ad ea bona, *dum quis contractabit*; non autem postquam contraxit. Nam tunc repugnat simul esse in contrahentibus duas voluntates efficaces: obligo me ad prestanta bona matrimonii, obligo me ad non prestanta bona matrimonii: si voluntas non dandi premium pro re vendibili, non repugnat *emptioni facte* adjecta; secus adiecta in principio. Accedit, ut recte notat Fagundez. lib. 1. de contractibus c. 7. num. 17. quod quando ea conditio apponitur in principio, apponatur, ut *constitutiva contractus*; non autem, quando apponitur contractui jam constituto; ergo non apponitur utroque eodem modo.

Ad 2. confirm. de precario Resp. tam conditionem (ut possit quandocunque revocari) non pertinere ad substantiam precarii, sed tantum ad qualitatem, qualiter conditio seu pactum, non revocandi, adjectum testamento, non est contra substantiam, sed solum qualitatem, consensus ad testamentum requisihi, ut docet Covarr. 4. Decretal. 2. p. c. 3. §. 1. num. 17.

Ex dictis colliges 1. non tantum iure potiuviro, ut constat ex dictis; sed etiam naturali, omnes dispositiones, & contradi-
ctus vitiari, ac irritos esse, adiecta conditio contraria substantiae talis actus; quia contradictionem implicat, quod quis simul efficaciter velit substantiam actus, & aliquid contrarium substantia actus, seu illi repugnans. Collig. 2. idem dicendum de conditione pro quolibet statu, si incompossibilis sit cum voluntate se obligandi ad praedicta bona matrimonii. Ratio est omnino eadem; quia sic deberent simul stare duæ voluntates circa idem, contraria, quod repugnat; & ideo etiam conditio resolvens, licet non sit suffi-

dens, viciat contractum v. g. *duco te, donec aliam diuinem invenero*. Hæc enim tollit consensum in perpetuitatem, qui est de substantia matrimonii; ita Sanchez. cit. lib. 5. hic D. 98. Collig. 3. hanc conditionem: *si non invenero aliam diuinem*, consensu posse apponi, vel in vim obligacionis v. g. ut ab obligatione liber sim, si aliam invenero; vel suspicive, nimirum, animo se non obligandi prins, quam conditione purificetur aut deficiat. Collig. 4. Si ea conditio adjiciatur primo modo, vitiari contractum: secus, si secundo. Nam in primo obligatio separabilitatis admittendæ, contraria est obligacioni inseparabilitatis; quæ obligationes non concurrunt in secundo, ut patet consideranti. Nam si aliam inveniat, deficit consensus in perpetuitatem datum, sub conditione, si aliam non invenero; si autem non inveniret aliam consensus evadit absolutus, & nulla runc adeat obligatio ei concedendi separationem. Coll. 5, hanc conditionem *si te adulterandam tradideris*, posse apponi vel per modum obligacionis, ut sensu sit, *si te obliges ad adulterandum*; & sic viciat matrimonium, quia voluntas se ad hoc obligandi est incompossibilis cum voluntate se obligandi ad non adulterandum, quæ voluntas est de substantia matrimonii, vel solum per modum executionis, ut sensu sit, *si habeas propositum non servandi quod promittis*, & ad quod te obligas; & in hoc casu non viciat matrimonium; sed tanquam turpis habetur pro non adiecta. Collig. 6. vitiari matrimonium adiecta conditione, *si te obliges non reddere debitum iuste petenti*, vel, *si te obliges necare prolem nobis natam*; aut, vitiandi in corpore, reddendo cæsareum, mutilam. D. Nam hæc obligatio contraria est voluntati se obligandi ad curandum bonum prolis, saltem negative, nimirum non nocendi corporali ejus saluti.

§. 7.

An conditio honesta, si sit contraria bonis matrimonii, viciet matrimonium?

Responso est affirmativa; ita Sanchez. cit. lib. 5. hic D. 10. num. 2. qui tamen oppositam negativam, quam (ibid. num. 1. tenent Paludanus, & alii) vocat verē

C. 3

pro